

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINSKI SUD U BIHAĆU  
Broj: 017-0-Su-21-000905  
Dana, 09.09.2021. godina**

Na osnovu člana 72. Zakona o državnoj službi u Unsko-Sanskom kantonu („Službeni glasnik USK-a“ br.14/17) predsjednik suda, objavljuje

**JAVNI OGLAS**

**1. Viši referent – sudski zapisničar (daktilograf) 2 izvršioca na neodređeno vrijeme za Općinski sud u Bihaću**

**Opis poslova:**

- obavlja poslove sudskog zapisničara na pretresima, ročištima i raspravama; piše na računaru ili snima tok pretresa, ročišta ili rasprave; rukuje audio opremom tamo gdje je instalirana; postupa po naredbama sudije u predmetima; brine o evidenciji predmeta, ročištima i preuzima predmete iz pisarnice i vraća ih složene po rednom broju sa spakovanom poštom na otpremu pošte; pravovremeno ulaže podneske, dostavnice i povratnice u spise koji se nalaze kod sudije; vrši pripreme i potrebne radnje vezane za izlazak na teren u svojstvu zapisničara,
- obavlja i druge poslove u djelokrugu rada ovog radnog mjesta kao i poslove po nalogu predsjednika, sekretara suda i šefa odsjeka.

Kandidat treba da ispunjava slijedeće:

**1) OPĆE UVJETE**

- a) da je državljanin Bosne i Hercegovine;
- b) da je stariji od 18 godina;
- c) da ima opću i zdravstvenu sposobnost za obavljanje poslova radnog mjesta;
- d) da ima odgovarajuću vrstu i stepen školske spreme;
- e) da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji odnosno u Bosni i Hercegovini;
- f) da nije obuhvaćen odredbom člana IX tačka 1.Ustava BIH (da nije pod optužbom Međunarodnog suda za bivšu Jugoslaviju); lica koja su rođena poslije 1980. godine nisu dužna podnositi dokaze o ispunjavanju uvjeta iz ove alineje
- g) da se ne vodi krivični postupak protiv te osobe

**2) POSEBNE UVJETE:**

SSS – IV stepen, gimnazija ili tehnička škola (ekonomskog ili drugog tehničkog smijera), položen stručni ispit, poznavanje rada na računaru i obavezna provjera znanja, 10 (deset) mjeseci radnog iskustva.

**Uz prijavu na javni oglas kandidati su dužni dostaviti biografiju sa podacima o dosadašnjim zaposlenjima, kao i originalne ili ovjerene fotokopije dokumenata o ispunjavanju općih i posebnih uvjeta i to:**

1. uvjerenje o državljanstvu,
2. izvod iz matične knjige rođenih,
3. ljekarsko uvjerenje će izabrani kandidat dostaviti prilikom pozivanja na posao,
4. svjedočanstvo /diploma o završenoj školi,
5. uvjerenje o položenom stručnom ispitu,
6. uvjerenje o poznavanju rada na računaru,
7. uvjerenje o radnom iskustvu,
8. kao dokaz za tačku 1) alineje e) i f) kandidati su dužni dostaviti ovjerenu pismenu izjavu u smislu da zadovoljavaju postavljene uvjete i
9. uvjerenje da se ne vodi krivični postupak.

**Napomena:** Namještenici koji za vrijeme oglasne procedure nisu položili stručni ispit mogu se primiti u radni odnos, ali su dužni položiti stručni ispit najkasnije u roku od 6 mjeseci od dana prijema u radni odnos u organ državne službe.

Rok za podnošenje prijave je 15 dana od dana objavljivanja javnog oglasa **na web stranici Općinskog suda u Bihaću.**

Neblagovremene i nepotpune prijave na javni oglas neće se razmatrati.  
Prijave na oglas mogu se predati neposredno ili poslati preporučenom poštom na adresu:

**Općinski sud u Bihaću, Bosanska br: 4 „Komisiji za provođenje javnog oglasa za prijem u radni odnos sa naznakom radnog mjesta na koji se prijavljuje“. NE OTVARAJ**



**PREDSJEDNIK SUDA**

**Aladin Bajrić**